

kontuola

KONTUOLA, Idolaz elkarte, ANTZUOLA. Kazetaria: Marijo Deogracias **Maketazioa:** Iñaki Iturbe **Publizitatea:** Kristina Romero **Erredakzio kontseilua:** Miren Anduaga, Gotzon Iparragirre, Patxi Kortabarria, Jone Larrañaga **Testuen zuzenketak:** Maripi Laskurain, Lierni Legorburu **Telefonoa eta faxa:** 943 76 65 08, Herri ikastetxea.

Antzuolako hamabostekaria, 30 zenbakia. 1999ko urtarrilaren 29a.

Kalegoin egongo da Danok Bat

Antzuolako jaietarako gertu egotea espero dute elkarteko kideek

Danok Bat elkarte berria Kalegoi 5 zenbakian egingo dute. Joan zen abuztuan erosi zuten elkartekoek eraikin osoa. Beheko eta lehenengo solairuan elkarte egingo dute eta goiko bi solairuak errentan jarraituko dute.

Hirurogeita zortzi bazkide dira oraingoz Danok Bat elkarte berriko kide izango direnak. Beste hiru lagun ere zerrenda zabaltzeko zain daude.

Abuztuan erosi zieten Zumarragako Albi-sua anai-arrebei Kalegoiko etxea eta ordutik, hasieran eman zituzten 25.000 ptaz gain, hilero 4.000 PTA ordaintzen ari da bazkide bakoitza. Egina dute elkarte izango denaren proiektua eta Udalak berak ere onartu du dagoeneko.

PROIEKTU BERRIA

Jaime Telleriak egin du Danok Bat elkartearen proiektua. Beheko solairuan jangela txikia, sukaldea, bodega eta taberna egingo dituzte. Lehenengo solairuan, berriz, bulegoa, egongela eta komunak.

Beheko solairuan jarriko duten jangela txikia izango dela baieztatu digu Eduardo Jurado elkarteko lehendakariak, baina "goiko solairuan koadrila handientzako lekua egongo da. Kanpoko terraza, lbarrondo alderuntz, itxi egingo dugu eta hori ere jangelatarako aprobetxatu ahal izango dugu".

Etxeari dagokionez, kanpotik izango duen aldaketarik handiena terraza itxia izango da. Udalak jarri dien baldintza bakarra eraikinak beste aldetik duen balkoiaren egitura bera izatea da. Hori egin ahal izateko, ordea, Udalak Arau Subsidiarioak

aldatu egin beharko ditu; oraingoen arabera, lehenengo solairuan erabilera arautegitik kanpo dagoelako. Bebaruak ostalaritza eta merkatari-tzarako erabiltzea onartzen da, baina beste solairuak etxebizitzarako bakarrik izendatzen ditu; hortaz, ez litzateke legezkoa izango elkarte egotea lehenengo solairuan, jatetxe jardueraren parekoa baita". Hori dela eta, Udaleko Gobernu Batzordeak arau subsidiarioak

aldatzea erabaki zuen urtarrilaren 19an, Danok Bat elkartearen onerako.

ETXE ZAHARRAREKIN ZER?

Momentuz elkarteak oraingo lekuan jarraituko du. Lehendakariaren esanetan, dena ondo badoa, herriko jaietarako lokal berri egotea espero dute. "Berria egin bitartean zaharrean egotea adostu dugu Udalarekin. Berria egindakoan, berriz, Udalak berak botako du zaharra. ■"



Honela geldituko da elkarte berria. VALEN MOÑUX

■ ■ ■
Beheko solairuan jangela txikia, sukaldea, bodega eta taberna egingo dira.
■ ■ ■

Juan Antonio Lizarralde, misiolaria

“Hango politikuei etxakue in”

Aurreko Kontuolan Anelkar GKE-ren -Gobernuz Kanpoko Erakundearen- sorreraren eta lanaren berri eman genizuen. Han aipatu bezala, Juan Antonio Lizarralde Brasilen egiten ari den lanari laguntzeko sortu da.

Gaur, ordea, eta Juan Antonio Antzuolan dagoela aprobetxatuz, Brasileko gorabeheraz jardutea erabaki dugu. Berarekin izan ginen Iturriotzen eta hantxe kontatu zigun nolakoa den Canudos (Brasil) eta zer nolako bitzta daraman paraje hartan.

Argalduta dagoela diote bere lagunek baina izpirituz sasoi-ko dagoela dio berak. Azkenengo aldiz jaietan izan zen herrian. Beste denboraldi luzeska batean ez zela etorriko aitortu zigun orduan, baina Brasilen bitztea, Canudosen hain zuzen ere, gogorra da eta behartuta herrira itzuli behar izan du osasun arazoekin. Urteek ez dute barkatzen eta Juan Antonio hori badaki. Dena dela, eta osasunak lagatzen dionean, berriz itzuliko da Brasileko ipar ekialdera, bere Canudos maitera, hango jendeari laguntzera.

Canudos, aipatu bezala, Brasileko ipar ekialdean dago, Bahiako estatuan. Herialde hartako tokirik behartsuena da Canudos, baina hala ere, 2.800 km karratu ditu eta 15.000 bat lagun bizi dira. Ur eskasia da arazorik larriena eta gobernuaren gestio txarrekin areagotu egiten dute bizi duten egoera. Dena dela, Juan Antonioaren ustez, garatzen ari diren proiektuek hango jendea hezitzen laguntzen dute eta honela duten bizimaila, neurri batean, hobetuko dutelakoan dago.

Canudos, aipatu bezala, Brasileko ipar ekialdean dago, Bahiako estatuan. Herialde hartako tokirik behartsuena da Canudos, baina hala ere, 2.800 km karratu ditu eta 15.000 bat lagun bizi dira. Ur eskasia da arazorik larriena eta gobernuaren gestio txarrekin areagotu egiten dute bizi duten egoera. Dena dela, Juan Antonioaren ustez, garatzen ari diren proiektuek hango jendea hezitzen laguntzen dute eta honela duten bizimaila, neurri batean, hobetuko dutelakoan dago.



Juan Antonio Canudoseko bizilagunekin.

Zein da elizbarrutiaren lana han?

“Mutiraun” edo auzolanak hartu dau indarra oin. Urtian behin alkartzen gara leku bakoitzetik, dauzkun arazuak azaltzeko. Lur harendako landararik egokixena zein dan ikusi, ahuntz eta antxumien produkziñua zela hobetu... Oin sortu die osasun eta hezkuntzako herri kontseilluak. Eliziak be parte hartzen dogu hor. Politikuak be badare, interes haundixak dare eta, baiña pixka bat gure lana indartu edo kontrolatzeko bidia badago, nahiz eta aukera gutxi izan. Guk ezto guzuzak egittia bakarrik nahi, egitte horrekin jentiaeren parte hartzia bultzatu nahi dogu. Beti gabitz billerak egitten, adibidez potzuen leku egokixena erabakitzeko. Hanguak be laguntzen dabe.

Ur falta da arazorik larriena?

Sikute izugarria dago. Bi urte bape euri barik gare eta lan gehixen horrek

emoten dosku: zela aprobetxau dagan ur gutxixa. Gaiñera, hango politikuei etxakue interesatzen gu egitten gabitzena. Ahalegintzen gara jentiaekin agintariekin daukan menpekotasuna apurtzen. Proiektu txikixetan erak parte hartzen dabe. Hori da interesatzen jakuna. Potzuaq nun egitten dien be oso ondo aztertuta dago. Adibidez, terrateniente batek saltzeko euki leikien lursail batian egitten baldin badogu, alperrik.

Potzuaq teillatuko urak jasotzeko die. 15.000-20.000 litrokuak die, teillatuen arabera. Onena etxe bakoitzak bati eukitzia litzake, baiña... 80 bat potzu egin dittugu. Errekia pasatzen dan lekuan zuluak egitten dittugu eta euri esko egitten badau, urtebeterako ura dauke. 4-5 urtian alde haundixa igarri dogu. Jentia kontzientziatzen hasi da. Leku eskotan beste gauza batzuk landatzen ha

GOROSTI
Taberna

☎ 943 76 62 96
Zurrategi plaza ANTZUOLA



MUEBLES
IGEA

Zurrategi plaza 4, behea ANTZUOLA Tf. eta faxa 943 78 71 80

Sukalderako eta
bainurako altzariak
Altzari rustikoetan
espezializatuak

Presatzen gu egitten gabitzena"

si dira. Ikusi dabe horrek ekarri jauen bentajak. Brasileko Ipar Ekialdian gauza batzuk hartu leizkiela ikusi dabe, lurra aberatsa dala, baldintzetara egokitsu ezker.

Beharrezkoa da kanpoko laguntza?

Ona da, baiña neurtu egin bihar da. Horregaitik da garrantzitsua ez mugatzia gauzak egittera bakarrik, jentia alperu egitten da. Laguntasuna zela lantzen dan kontuan izan bihar da, bestela menpekotasuna ezta apurtzen. Ur faltarik ez eukitzeko aukeria be badago, Go bienuak nahi izango baleu.

Zein jarrera dute gobernuarekiko?

Ustelkerixa ikaragarrixa dago. Ointxe euki dittugu hauteskundiak eta egon dan gastua -errepublikako presidentiak berriz hautatua izateko euki dabena- kalkulaeziña da. Jentia bihartuta emoten dau botua. "Hautesle kartillia" siñatuta eta eguneratuta izan bihar da. Canudosen aurreko alkatia mediku bakarra zan. Astua, txakurra edo antxumia hautagai ipiñi ezker be berak irabaziko zebala esaten zeban oin bi urte, eta 167 botogatik galdu zeban. Ointxe arte jarraitu dau kargua laga barik!

Zerk erakartzen zaitu han jarraitzeko?

Herrixak. Horretxek emoten dotsu indarra. Garaipen txikixak emaitza handiak emoten dittue, epe motzerako planteaten dienian behintzat.

Antzuolatik iristen zaizun laguntzaz gain besterik jasotzen duzu?

Ez. Alemaniatic kotxia erosteko jasotzen dogu -parrokixa danak eukitzen dabe 5 urtian behin-. Beste herrialdekin batera alkartzen ganian, auzolanian, alkarri laguntzen jau. Bertako eliztarrak emoten dabena be bai, baiña ezebe eztauke eta ezin dabe emon.

Nolakoa da egun bat Canudosen?

Lehentasuna emoten jau komunidadia bisitatziari, jentia egotiarri, bille rak egittiarri. Askotan egun guztia hortan emoten dogu. Parrokixarako lanetan ez-tittugu gehixegi bultzatzen: herrixan astian meza bat. Askotan premiñia eukitzen dogu planak egitteko, gauzak aztertzeko... Martitzen goiza, esaterako, hortarako izaten dogu eta astelehen goizetarako, ahal bada behintzat, ezto gu konpromisorik hartzen.

Billera asko egin biharra izeten dogu: elizbarrutikuak, herrialde mailla kuak... Beste mailla bateko batzarrak be egitten dittugu. Bi urte eta erdi egon gara "Asociación de los abogados de los

trabajadores rurales" taldiakin lanian. Formaziño juridikua emoten jaue, arazoren bat izan ezker zer egin bihar daben jakin deixen. Oin beste bat antolatzen gabitz, formaziño politikua lantzeko.

Alfabetatzen lanik egiten duzue?

Bai, baiña helduekin. Pasatzen dana da monitoriak berak be eztaukala irakasteko erretzasunik eta kontzientziaziño lana egitteko zailtasunak egoten die.

Zela baloratuko zenuke Canudosen bizi izan duzuna?

Oso positibua. Ez naiz ezekin damutzen. Neretako aberastasun haundixa izan da. Beti esaten dot seminarixuan asko ikisi nebala, baiña herrixakin gehixago. ■

■ ■ ■
"Sikute izugarria dago. Bi urte euri barik gare eta lan gehixen horrek emoten dosku"
 ■ ■ ■



Honelako putzuak egiten dituzte Canudosen ura hartzeko.



Jose Gomez
Abad

Errekalde 6, 4-B. Antzuola
943 76 60 19
943 76 60 43

GAILUR
taberna eta
gozotegia

Buztinzuri 13 ANTZUOLA
Tf. 943 78 70 32



IGELTSEROTZA

Jose Luis Zabalo

Birgaitzeak • Fatxadak
Teilatua • Sukalde eta bainu gelak

Kalegoi 9, 1a., ANTZUOLA. Tf. 943 76 60 89

Karmen Irizar etxean dagoeneko

Hamar hilabeteren ondoren baldintzapeko askatasunean irten da



Karmen, afarian jasotako opariekin.

Karmen Irizar urtarrilaren 15ean utzi zuten aske, baldintzapeko askatasunean, 10 hilabete kartzelan pasa ondoren. Bi milioiko fidantza ordaindu behar izan du baina ez daki noiz izango duen. Ongietorria urtarrilaren 17an egin zioten eta joan zen eguakitzerako, afaria antolatu zuten Gestorek Jubilatuetan.

Espero zenuen epaiketaren aurretik kaleratzea?

Eguakitzian 16:00etan esan jostanen agente judizialana jun bihar nebala. Lagunei esan najotxanen "epaiketarako eguna edo". Huertasekin juntau eta esan jostanan "Karmen libre gaude". Ez giñunan sinisten. Arazuak izan jittune fidantzia ordaintzeko. Abalak etxone balio eta dirutan entregau bihar izan jone. Ordubittan ordaindu eta illuntziko zortzi eta erdietan trastiak hartu eta kalera.

Zer sentitu zenuen orduan?

Gogorra don urtetzia, norberan kidiak han lagata. Oso maittasun sakona don. Zapatukua estimatzekua don, baiña herrira ailegatzia oso gogorra don. Akordatzen haiz han laga dittunan danak, bidian jausi dienak... Ezin don ulertu barruan egon barik. Eta han be etxone ulertuko -ailegau arte- despedidia.

Zer moduz zaude zu?

Oindio situau barik. Etxekuekin egoteko astirik be etxonat hartu oindio.

Zein egoeratan zaude orain?

Baldintzapeko askatasunian. Siña-

tzera jun bihar non hamabostero. Mugia ezin jonat pasau. Lokalizable egon bihar non, horixe siñatu jonat!

Zela izan zen barrura sartze hura?

Komisariñatik espetxera ailegatzia eskatzen najonan. Esan jostanen handi urtengo zebela gizonak eta alabiak. Papele firmau eta esan jostanen, "oin beste 28 ordu" eta orduan buruak lana egin jostanan, 3 egun eta inkomunikatua beste 28 ordu. Enajonan sinisten familia han zeguanik. Laga jostanen gizonan anoraka kalabozuan. Gero entzun najonan alabian eztula. Nik eztula egitten najonan eta berak be bai. Espetxera ailegatzia mundua zabaldu jaten. Pentse najonan, "behintzet etxat etorriko iñon egurtzera". Kartzelan gure kidiak zain ja eztanan eta hori zoragarrixa don, betiko gelditzen don goguan.

Eta hango egun bat?

Norberak antolau bihar jon ahan dan aguruen pasatzeko. Goizian, paxua, kirola; txapeuan idatzia, irakurtzia...

Zer diozu Euskal Herria bizitzeko den egoerari buruz?

Danon artian lortu bihar dogu eskatzen dogun askatasuna. Gesto minima bat eztabe egin. Lotsagarrixa izen da isletako trasladua. Konfiantzia hartuko jonat ikusten dotenian eren legia -presuei dagokixonian adibidez- betetzen dabela. ■

Patxiren askatasunaren alde

Antzuolako Senideak eta Antzuolako Euskal Presoak Euskal Herrira plataformak, Patxi Olabarriaren askatasuna eskatzeko, Kartzeletako zuzendariari —Angel Yusteri— zuzenduta eskutitz bana banatuko dute herriko etxe gutzietan. Karta horretan norberaren datu pertsonalak eta sinadura eskatzen dituzte, Patxi zigorraren 3/4ak bete dituela eta libre laga dezaten eskatzeko.

igok eta Txomin

Pintura orokorrean.

Paper, tela, binilo, kortxo... estaldurak.

Gotelesa, iztukuak eta bestelako imitazioak.

ANTZUOLA

BERGARA

☎ 943 76 60 39 ☎ 943 76 19 98



Euskal sukaldaritza

Eguneko menua

Kalebarren 7, ANTZUOLA Tf. 943 78 71 12

LARREA

TABERNA

Kalebarren 17
ANTZUOLA